

## HOWEL ap GRUFFYDD neu Syr HYWEL y PEDOLAU (fl. yn ddiweddar yn y 13eg ganrif),

**Enw:** Howel ap Gruffydd

**Plentyn:** Gruffydd ap Hywel ap Gruffydd ab Ednyfed Fychan

**Rhiant:** Gwenllïan ferch Howel ab Ifan ap Trahaearn ap Gwgan

**Rhiant:** Gruffydd ab Ednyfed Fychan

**Rhyw:** Gwryw

**Maes gweithgaredd:** Gwasanaethau Cyhoeddus a Chymdeithasol, Gweinyddiaeth Sifil; Gwleidyddiaeth a Mudiadau Gwleidyddol

**Awdur:** Thomas Jones Pierce

mab [Gruffydd ab Ednyfed Fychan](#). Mewn rhai achau disgrifir ei fam, Gwenllïan, fel merch [Rhiryd Flaidd](#); ar gyfrifon amseryddol, fodd bynnag, gellid yn rhwyddach gredu mai yr Howel ab Ifan ap Trahaearn ap Gwgan a enwir mewn achau eraill oedd ei thad. Ynghyd â'i frawd Rhys, tad [Syr Gruffydd Llwyd](#), etifeddodd Howel stadau ei daid yn Deheubarth; yr oedd ei gyfran ef yn cynnwys Llansadwrn, lle yr oedd ei ddisgynyddion yn byw hyd ddyddiau [Syr Rhys ap Thomas](#). Yn 1279 bu peth o'r tir a gymerwyd oddi arno gan [Rhys ap Maredudd](#) (cynrychiolydd teulu 'brenhinol' Dinefwr ar y pryd) yn destun ymholiad y gorchmynnodd y brenin Edward I ei gynnal. Y mae'r ffaith i'r brenin wneuthur hyn a bod Howel cyn hyn wedi cael rhoddi iddo bensiwn o £20 y flwyddyn dros ei oes yn profi bod y cydymdeimlad â llinell yr Angefiniaid a nodwedddai genedlaethau diweddarach y teulu mewn bod eisoes. Eithr nid oes dystiolaeth o gwbl i'r gred a barhaodd yn gyndyn i Howel gael ffafr y brenin am ei fod yn frawd maeth i Edward II oblegid rhaid ei fod ef yn r mewn cryn oedran pan anwyd y tywysog.

Y mae'n amlwg ei fod yn cael ei gyfrif yn r cyhyrog a neilltuol o gryf. Profir hyn gan ei feddrod a oedd yn eglwys S. Pedr, Caerfyrddin, hyd 1790; arni yr oedd delw ohono, yn ei ddangos fel pe'n gweddïo ac yn dal yn dynn yn ei ddeuddwrn bedol ceffyl ac yntau fel pe'n unioni'r bedol honno. Bu farw cyn 1309; erbyn y flwyddyn honno yr oedd ei yr, [Syr Rhys ap Gruffydd](#), wedi llwyr ymsefydlu fel pennaeth y teulu. Trwy ei yr yr oedd yn gyndad Rhysiaid Dinefwr, a thrwy yr iau, Robert, yn gyndad Llwydiaid a [Hollandiaid](#) Cinnel.

Cymysgir weithiau rhwng Hywel a g r arall o'r un enw a oedd yn blodeuo, yn ôl pob tebyg, c. 1300; dywedir fod yr Hywel hwnnw yn disgyn o Hwfa ap Cynddelw ac yn hynafiad i amryw o deuluoedd llai pwysig ym Môn ac Arfon.

### Awdur

Yr Athro Thomas Jones Pierce, (1905 - 1964)

### Ffynonellau

*Heraldic Visitations of Wales and Part of the Marches between the years 1586 and 1613, under the authority of Clarencieux and Norroy, two kings at arms* (Llandoverly 1846), 16

J. E. Griffith, *Pedigrees of Anglesey and Carnarvonshire Families* (1914) (gweler dan Howel ac Ednyfed)

*Archaeologia Cambrensis*, iv, viii, 198

Philip Yorke, *The Royal Tribes of Wales*

E. Donovan, *Descriptive Excursions through South Wales and Monmouthshire in the year 1804 and the four preceding summers* (Llundain 1805), 1805

### Dolenni Ychwanegol

Wikidata: [Q20733245](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng

Nghymru a thu hwnt.

Ewch i'n [tudalen codi arian](#) am ragor o wybodaeth.

